

**БҮГД НАЙРАМДАХ СИНГАПУР УЛСЫН ЗАСАГ ЗАХИРГААНЫ
НЭГЖИЙН БҮТЭЦ, ЗОХИОН БАЙГУУЛАЛТ**

Ө.Мөнхтунгалаа

Сингапур нь 718.3 км² газар нутагтай, нийтдээ 63 жижиг арлаас бүрдэх Зүүн өмнөд Азийн хот улс юм. Тус арал өнөөдөр дэлхий дээрх хамгийн их хүн амын нягтаршилтай газрын нэгд тооцогддог. Засаг захиргааны нэгжийн бүтэц, зохион байгуулалтын асуудлыг Үндсэн хууль болон бие даасан хуулиар тусгайлан зохицуулаагүй байна.

Засаг захиргааны хувьд Сингапур нь 5 тойрогт хуваагддаг. Үүнээс гадна эдийн засгийн төлөвлөлт, статистикийн зорилгоор нутаг дэвсгэрээ 5 бүс болгон авч үздэг байна.

Сингапурын 5 тойргийг тойргийн дарга нар ба Орон Нутгийн Хөгжлийн Зөвлөл (Community Development Council District) удирддаг.

Зөвлөлийн чиг үүрэг, түүний удирдлагын эрх хэмжээ, зохион байгуулалт, үйл ажиллагааг Орон нутгийн хөгжлийн зөвлөлийн дүрэм /Community Development Council Rules 1997²³-ээр зохицуулна. Орон нутгийн хөгжлийн зөвлөлд засгийн газраас жил бүр тойргийн хүн амын тооноос хамаарч санхүүжилт олгодог.


Орон нутгийн хөгжлийн зөвлөл нь тойрог тус бүрийг хариуцсан салбар зөвлөлийн үйл ажиллагааг уялдуулан зохион байгуулна.

Тойргууд нь сонгуулийн тойрогт (*constituencies*) хуваагддаг ба энэхүү сонгуулийн тойрог нь орон нутгийн хотын зөвлөлтэй ижил төстэй юм. Сонгуулийн тойрог нь мөн сонгуулийн хэсэгт хуваагдана (*electoral division/district*).

Сингапур нь дараах 5 тойрогт хуваагдана. Үүнд:

1. Төв Сингапурын тойрог
2. Зүүн- хойд тойрог
3. Баруун- хойд тойрог
4. Зүүн- өмнөд тойрог
5. Баруун-өмнөд тойрог болно.

Зураг 1



²³ Community Development Council Rules 1997, <http://statutes.agc.gov.sg/aol/search/display/>

Дээр дурдсанчлан Сингапур нь эдийн засгийн төлөвлөлтийн үүднээс нутаг дэвсгэрээ 5 бүс (region) болгон хуваадаг ба эдгээр нь мөн 55 төлөвлөлтийн районд хуваагдана.

Нутаг дэвсгэр нь дараах 5 бүсэд хуваагдана. Үүнд:

1. Төвийн бүс
2. Зүүн бүс
3. Хойд бүс
4. Зүүн- хойд бүс
5. Баруун бүс болно.



АШИГЛАСАН МАТЕРИАЛ

1. Community Development Council Rules. <http://statutes.agc.gov.sg/aol/search/display/>
2. Administrative divisions of Singapore. <http://www.centuralsingaporecdc.org.sg/>